

Ա Ռ Ա Ջ Ի Ն Հ Ա Մ Բ Ո Յ Ր

(Խորիւմի ալբոմից)

Խորին ցնծութեամբ նայում եմ, ինչպէս
Հարաւի արեւն գարնան երկնում
Ժպտում է եւ, ջերմ սիրահարի պէս,
Երկրին առաջին համբոյր է դրկում:

Եւ լոյս-համբոյրից ա՛յնքան ոսկեվառ
Յընցում, զարթնում է քրմրած բընութիւն,
Զարթնում է սիրով նոր կեանքի համար
Եւ զգում իր մէջ մի նոր զօրութիւն:

Հալչում է ձիւնը—սարալանջերից
Առագ, անհամբեր վազում դէս ու դէն.
Յաղթուած արեւի հզօր շողերից,
Փախչում է ձրմեռն անգօր ու անգէն:

Եւ ես լըսում եմ մօտակայ ձորից,
Ինչպէս յորդացած, անհանգիստ գետակ,
Ագաս կարկաչով, դուրս ելած ափից,
Ասես, երգում է գարնան յաղթանակ:

Եւ մեղմ ծըփալով կենսաւունչ հովիկ
 Գեսակի պրդսոր երեսն է շոյում.
 Մեղմ յուզում ջրեր, օրօրում ալիք,
 Եւ անոյշ սուլում դալար ամերում:

Եւ նորափրթիք ծաղիկներ զարնան
 Գեսակի ամիկն զրաւի՛չ շարուած,
 Ժըպսում են բրնձոյշ, բուրում դուրեկան,
 Հէնց նոր արեւից վառ համբոյր քաղած:

Օդն է մեղմանում, պարզում է երբ,
 Երկրի երեսին հախում ծիծեռնակ.
 Կանաչ են հագնում սարեր ու դաշտեր,
 Գեղջուկին կանչում դէպի սուրբ վաստակ:

Խորին ցնծութեամբ նայում եմ, ինչպէս
 Կեանքն է նորոգում մայր-երկրի կրծքին.
 Եւ չեմ, սրբաբուղիս օրհնում եմ ես քեզ,
 Կենսաբեր զարնան համբոյր առաջին:

Ա. ՇԱՏՈՒՐԵԱՆ